

Palasinik atorfnitsitsinernut il.il. ilagiit sinniisaasa peqataatinneqartarnerat pillugu Namminersornerullutik Oqartussat nalunaarutaat

Ilagiinni sulisussanik atorfnitsitsinernerit pillugit Inatsisartut peqqussutaanni nr. 8-mi 30. oktober 1998-imeersumi § 6 imm. 2, § 7 imm. 2, § 9 aamma § 10 imm. 4 tunngavigalugit makku aalajangersarneqarput:

Kapitali 1.

Nalunaarutip atuuffia.

§ 1. Nalunaarummi matumani malittarisassat ilagiinni kalaallini palasinik atorfnitsitsisarnerni atorneqassapput, taamaattorli § 2 aamma § 3 takukkit.

§ 2. §§ 4-9-mi malittarisassat palasit atorfinni suliffeqarfinnik inunnilluunniit immikkoortukkuutaanik kiffartuussinissaq tamakkiisumik ilaannakortumilluunniit siunertaralugu pilersinneqarsimasuni ilagiit sinniisoqarfunngitsuni atorfnitsitsinerni atorneqassanngillat. Palasit atorfini taakkunani atorfnitsitsinerni § 11-mi malittarisassat kisimik atorneqassapput.

§ 3. Nalunaarummi matumani malittarisassat piffissaa killilerlugu ukiumit ataatsimit sivikinnerusumik sulisussanik atorfnitsitsinerni atorneqassanngillat. Atorfinnut taamaattunut atorfnitsitsinerni qinnuteqaateqartoq ataaseq arlallilluunniit biskoppip inassuteqaatigissavai, ilagiit sinniisaasa susassaqtut provstillu oqaaseqaateqareernerisigut.

Kapitali 2.

Qinnuteqaatit takkuttut ilisimatitsissutigineqartarnerat.

§ 4. Qinnuteqaateqarfissatut piffissaliunneqartup naanerata kingorna qinnuteqaatit takkussimasut assilineri llageeqarnermut Pisorta qarfiup biskoppimut nassiutissavai, taassumalu taakku provsti aqqutigalugu ilagiit sinniisaasa siulittaasuannut ingerlateqqissallugit. Ilagiit siinniisoqatigiikkuutaat arlallit atorfnitsitsinermi peqataassappata qinnuteqaatit taakku palaseqarfimmi ilagiit siinniisaasa siulittaasuannut nassiunneqassapput.

Imm. 2. Qinnuteqaatit tigoreerunigit ilagiit sinniisaasa siulittaasuata qinnuteqaatit misissuataarnissaannut ilaasortat ingerlaannaq periarfississavai.

§ 5. Ilagit sinniisaanni ilaasortat qinikkat ilisimatitseqatigiiffiusumik qaqugu ataatsimiitinneqarnissaat biskoppip ullulerlugu aalajangissavaa. Ataatsimiinneq taanna qinnuteqaateqarfissatut piffissaliunneqartup naanerata kingorna sapinngisamik piaarnerpaamik, tamatumalu kingorna kingusinnerpaamik sapaatit akunneri arfinillit qaangiutsinnagit pisariaqarpoq. Piffissaliunneqartoq taanna biskoppip qinnuteqaateqarneratigut llageeqarnermut Pisorta qarfimmit sivitsorneqarsinnaavoq.

Imm. 2. Ataatsimiinnermi biskoppimit imaluunniit biskoppi sinnerlugu provstimit aqunneqartumi

qinnuteqaatit takkussimasut biskoppip saqqummiutissavai. Aammattaaq atorfirmik inuttaliisarneq pillugu malittarisassat biskoppip saqqummiutissavai, ataatsimiinnerullu tassunga tunngasortaa ataatsimiinnerni aalajangiinerit pillugit allattaavinnut allanneqassaaq, ataatsimeeqataasunillu tamanit atsiorneqassalluni.

Imm. 3. Ilagiit sinniisaannit ataatsinit arlalinnilluunniit piumasarineqarpat, kissaatiginartutulluunniit biskoppip isigippagu ilisimatitseqatigiiffiusumik sulii ataasiarluni ataatsimiittoqaqqissaaq.

Kapitali 3.

Atorfnitsitsinissaq pillugu inassuteqaat.

§ 6. Ilisimatitseqatigiiffiusumik ataatsimiinnermut uiggiullugu inassuteqaateqarniarluni ataatsimiittoqassaaq, palaseqarfimmi ilagiit sinniisaanni ilaasortat qinikkat peqataaffigisaannik.

§ 7. Inassuteqaammi qinnuteqaateqartut taasisutigineqarsimasut ilaatinneqassapput.

Qinnuteqaateqartunut ataasiakkaanut taasisut amerlassusiat tunngavigalugu tulleriinnilersuisoqassaaq. Taasinerit amerlaqatigiippata pineqartut naligiissillugit inassutigineqassapput.

Imm. 2. Qinnuteqaateqartut pingasunit amerlanerusut taasisutigineqarsimappata qinnuteqaateqartut pingasut taasineri siullermi amerlanerpaanik taaneqarsimasut taasisutigineqassapput.

§ 8. Taasineq allakkatigut isertortumillu taasineruvoq. Taasiffissami ataatsimi ateq ataasiinnaq allanneqartassaaq.

Imm. 2. Ilaasortaq qinnuteqaateqartut arlaannaannulluunniit taaseqataajumanngippat ilaasortap pineqartup taasivissaq allaffigineqarsimanngitsoq utertillugu tunniutissavaa. Taasivissat allaffigineqarsimanngitsut taasinerit ilanngullugit naatsorsuunneqassapput.

§ 9. Inassuteqaateqarluni ataatsimiinnerup inernera, matumani taasineri taasisut amerlassusii ilanngullugit, aalajangiinerit pillugit allattaavinnut allanneqassapput, allattaaviillu taakku ataatsimeeqataasunit tamanit atsiorneqassallutik. Allattaaviit taakku assilineri ataatsimiinnerup naammassinerata kinguinngua suliasap pappiarartaanik ilaqartillugit provsti aqputigalugu biskoppimut nassiunneqassapput, taassumalu taakku ilageeqarnermut Pisortaqarfimmut ingerlateqqillugit nassiutissavai.

Kapitali 4.

Provstinik domprovstimillu atorfnitsitsinerit.

§ 10. Provstinik imaluunniit domprovstimik atorfnitsitsinerni biskoppi palaseqarfimmi tassani provstip imaluunniit domprovstip suliffigisassaani ilagiit sinnissaat qinikkat ilisimatitseqatigiiffiusumik ataatsimiissapput. Ataatsimiinneq taanna kapitali 2-mi malittarisassat malillugit ingerlanneqassaaq.

Imm. 2. Ilisimatitseqatigiilluni ataatsimiinnermut uiggiullugu palaseqarfimmi provstip imaluunniit domprovstip suliffigisassaani ilagiit sinniisaat qinikkat qinnuteqaateqartut pingasut tul-leriinnilersukkat pillugit oqaaseqaateqassapput. Ataatsimiinneq kapitali 3-mi malittarisassat malillugit ingerlanneqartassaaq.

Imm. 3. Biskoppi ajornanngippat qinnuteqaateqartut pingasut tulleriinnilersukkat pillugit oqaaseqaateqassaaq. Qinnuteqaatit ilagiit sinniisoqatigiikkuutaavisa oqaaseqaataannik namminerlu oqaaseqaatiminik ilallugit biskoppip ilageeqarnermut Pisortaqarfimmut sapinngisamik piaarnerpaamik nassiutissavai.

Kapitali 5.

Palasit atorfi immikkut ittut.

§ 11. Palasit atorfinni suliffeqarfinnik inunnilluunniit immikkoortukkuutaanik kiffartuussinissaq tamakkiisumik ilaannakortumilluunniit siunertaralugu pilersinneqarsimasuni ilagiit sinniisoqarfunngitsumi atorfinitsitsineq, matumani Palaseqarfik Danmarki ilanngullugu eqqarsaatigalugu, biskoppip inassuteqaateqareerneratigut Naalakkersuisunit suliarineqassaaq.

Imm. 2. Biskoppip imm. 1 malillugu oqaaseqaateqannginnerani suliffeqarfiup pisortai imaluunniit inuit ataatsimoortukkuutaat sinniisaat pineqartut qinnuteqaatit inuttassarsiuussinermi takkussimasut pillugit ilisimatissavai. Taamatuttaaq atorfik palaseqarfimmi palasimut ikiortitut atorfittut pilersinneqarsimappat palaseqarfimmi ilagiit sinniisoqatigiikkuutaavi biskoppip qinnuteqaatit pillugit ilisimatissavai. Suliffeqarfiit pisortaasa il.il. aamma ilagiit sinniisoqatigiikkuutaavisa atorfinnik inuttaliiniarluni oqaloqatigalugit ataatsimeeqatiginissaat biskoppip ullulerlugu aalajangissavaa. Ataatsimiinneq taanna qinnuteqaateqarfissatut piffissaliunneqartup naanerata kingorna sapinngisamik piaarnerpaamik, tamatumalu kingorna kingusinnerpaamik sap. akunneri arfinillit qaangiutsinnagit pisariaqarpoq. Piffissaliussaq taanna biskoppip piumasaqaateqarneratigut Ilageeqarnermut Pisortaqaarfimmit sivitsorneqarsinnaavoq.

Imm. 3. Ataatsimiinnerit imm. 2-mi taaneqartut ingerlanneqarnerisa kingorna suliffeqarfimmi siulersuisut il.il. aamma ilagiit sinniisai qinnuteqaatit pillugit tamarmik immikkut biskoppimut oqaaseqaateqassapput. Oqaaseqaatit taakku atorfimmi tassani atorfinitsitsinissamut nammineq inassuteqaamminik ilaqartillugit biskoppip Ilageeqarnermut Pisortaqaarfimmut nassiutissavai.

Imm. 4. Pissutsit atuuttut tamanna ajornartinnigippassuk periutsit imm. 1-3-mi aalangersarneqarsimasut Ilageeqarnermut Pisortaqaarfiup saneqqussinnaavai.

Kapitali 6.

Isertuussisariaqarneq.

§ 12. Qinnuteqaateqartut aqqisa Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaanni nr. 5-imi 14. maj 1990-imeersumi § 7, imm. 2 tunngavigalugu tamanut saqqummiunneqannginnissaat piumasaqaatigineqarsimappat qinnuteqaateqartut aqqisa allattorsimaffiat taassumaluunniit ilaa tamanut takusassiaralugu saqqummiunneqassanngilaq. Tamatuminnga unioqqutitsineq pillaaammik akiliisitsinikkut pineqaatissiissutigineqassaaq, tak. tjenestemandit pillugit inatsimmi § 7, imm. 3.

Imm. 2. Qinnuteqartut aqqisa tamanut tusarliunneqannginnissaat kissaatigineqarsimappat ilagiit sinniisaasa aalajangernerat aamma tamanut nalunaarutigineqassanngilaq.

Kapitali 7.

Atortuulersitsineq.

§ 13. Nalunaarut 1. februar 1999 atulerpog.

Namminersornerullutik Oqartussat, ulloq 18. januar 1999.

Konrad Steenholdt

/

Karl Kristian Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut